



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Dumandas da fabrica

La suprastanza ho concess seguint permiss da fabrica:

- Serlas, parcella nr. 810, S-chanf, nouva pensla da l'annex vers bunura.

Plazza administraziun 60 – 100%

Zieva la decisiun da sar Moreno Raselli da banduner la piazza tar l'administraziun our da motivs persunels, s'ho scrit our aunch'üna vouta la piazza. Sün l'inserat s'haun annunzchos ses persunas.

La suprastanza cumünela tscherna a Sandra Brunies-Berner scu nouva collavurainta i'l administraziun cun ün pensum da 60%. Impü decida la suprastanza cumünela da prolungir il contrat da Mireille Thom fin la fin da l'an 2019 cun ün pensum da 20%-30%.

Dumandas da contribuziun

La suprastanza cumünela sustegna seguints evenimaints cun üna contribuziun finanzia :

- Engadin Golf Club per il 125avel giubileum
- Open Air Chapella
- AULA-champ per giuvenils a S-chanf
- Swiss Alpine Irontrail (Samedan-Tavo)

Halla Bos-chetta Plauna surdeda da lavuors forz'electricica

L'architect dal proget ho lascho offrir tschinch firmas per fer las lavuors da forz'electricica per il fabricat da la halla da deposit Bos-chetta Plauna. La suprastanza cumünela surdo las lavuors a la firma Electro Bernina AG da Madulain per fr. 45'000.00 incl. isp.

Impü surdo la suprastanza cumünela a la firma Repower la lavur regard da l'attach da forza per fr. 21'110.50 incl. isp.

S-chanf, 14 gün 2018

La suprastanza cumünela